



REPUBLIKA E SHQIPËRISË

BASHKIA PATOS
DREJTORIA E TË ARDHURAVE VENDORE

Nr. 2894 / prot
1

Patos më 18 / 11 / 2022

RELACION
PËR
SISTEMIN E TAKSAVE DHE TARIFAVE VENDORE NË BASHKINË
PATOS PËR VITIN 2023

Veprimtaria e Bashkisë Patos në fushën e sistemit fiskal vendor funksionon mbështetur në ligjin nr.139/2015, datë 17.12.2015, "Për Vetëqeverisjen Vendore", ligjin 9632 datë 30.10.2006 për "Sistemin e Taksave Vendore" i ndryshuar, ligjin nr.68 datë 27.05.2017 "Për Financat e Vetëqeverisjes Vendore", ligjin nr. 9920 datë 19.05.2008 "Për Procedurat Tatimore në Republikën e Shqipërisë" i ndryshuar, Udhëzimin nr. 24, datë 02.09.2008 "Për Procedurat Tatimore në Republikën e Shqipërisë" të ndryshuar, ligjin nr. 122/2020 për disa ndryshime në ligjin nr.9632, datë 30.10.2006 për "Sistemin e Taksave Vendore" i ndryshuar, Ligjin nr. 9975 datë 28.07.2008 "Për Taksat Kombëtare", i ndryshuar, Ligjin nr. 10463 datë 22.09.2011 "Për Menaxhimin e Integruar të Mbetjeve", Vendimin e Këshillit të Ministrave nr. 319 datë 31.05.2018 "Për Miratimin e Masave për Kostot e Menaxhimit të Integruar të Mbetjeve".

Në Paketën fiskale për vitin 2023 paraqitet:

Riklasifikime të taksave dhe tarifave ekzistuese, prezantimi i tarifave të reja, përcaktimi i qartë i llojit të taksave/tarifave, baza e taksueshme, kategorizimet dhe nënkategorizimet, këstet e pagimit, koha e kryerjes së tyre, kushtet lehtësuese, strukturat përgjegjëse për vjeljen e detyrimeve dhe agjentët tatimorë.

Të gjitha ndryshimet do të shërbejnë si instrument për rritjen e efikasitetit administrative, profesionale dhe teknike të qeverisjes vendore, nëpërmjet rritjes së të ardhurave, për të ofruar shërbime më të mira për qytetarët.

Paketa fiskale e Bashkisë Patos për vitin 2023 është e përbërë nga taksa dhe tarifave vendore të destinuar për juridiksionin e kësaj bashkie.

Nivelet e taksave vendore, janë kryesisht të miratuara me ligj nga Kuvendi i Shqipërisë, por për nevoja të qeverisjes vendore dhe në konsultim me grupet e interesit, Këshilli Bashkiak ka të drejtë të miratojë nivelin duke i ulur ose rritur në masën 30% të tyre.

Këshilli Bashkiak ka të drejtë të miratojë taksa të përkohshme, që i shërbejnë një objekti të caktuar.

Për kuptim më të saktë të materialit të referuar më poshtë, është e nevojshme dhe prezantimi i termave kryesore të saj, si:

Çfarë do të kuptojmë me fjalën "tatim"?

"Tatim" është pagesa e detyrueshme dhe e pakthyeshme në Buxhetin e Shtetit apo në buxhetin e organeve të qeverisjes vendore, e vendosur me ligj dhe që nuk bëhet në shkëmbim të mallrave dhe shërbimeve të caktuara.

Çfarë do të kuptojmë me fjalën "taksë"?

"Taksë" është pagesa e detyrueshme dhe e pakthyeshme në Buxhetin e Shtetit apo në buxhetin e organeve të qeverisjes vendore, e vendosur me ligj dhe që paguhet nga çdo person, që ushtron një të drejtë publike apo përfiton një shërbim publik në territorin e Republikës së Shqipërisë.

Çfarë do të kuptojmë me fjalën "tarifë"?

"Tarifë" është një pagesë, që një individ, person fizik apo juridik, bën drejtpërdrejt apo nëpërmjet një nëpunësi tek administrata tatimore. Tarifa paguhet në shkëmbim:

të një shërbimi specifik të marrë;

të mire publike specifike të përdorur, apo;

të drejtë të dhënë.

Çfarë do të kuptojmë me fjalën "tatimpagues"?

"Tatimpagues" është personi apo individi, i cili detyrohet nga ligji të paguajë tatime, taksa ose kontributet e sigurimeve shoqërore dhe shëndetësore, si dhe personi që llogarit dhe mban tatimin në burim.

Çfarë do të kuptojmë me fjalën "taksapagues"?

"Taksapagues" është çdo individ, person fizik ose juridik, vendas apo i huaj, i cili është i detyruar të paguajë njërin nga taksat kombëtare.

Taksat vendore që trajtohen në këtë paketë janë:

Taksa mbi pasurinë e paluajtshme e cila përbëhet nga:

Taksa mbi ndërtesën

Taksa mbi tokën bujqësore

Taksa e truallit

Taksa e fjetjes në hotel

Taksa e ndikimit në infrastrukturë nga ndërtimet e reja

Taksa e tabelës

Taksat kombëtare

Taksë kombëtare, një % të caktuar të saj përfitojnë edhe njësitë e qeverisjes vendore ndryshe quhet taksë ose tatim i ndarë:

“Taksë ose tatim i ndarë” është një taksë kombëtare ose tatim i përcaktuar sipas ligjit për procedurat tatimore ose ligjeve të veçanta tatimore, të ardhurat respektive prej të cilave ndahen, plotësisht ose pjesërisht, me njësitë e vetëqeverisjes vendore sipas përcaktimeve të nenit 25 të ligjit 68/2017 “Për Financat e Vetëqeverisjes Vendore”

1. Taksat kombëtare që ndahen me njësitë e vetëqeverisjes vendore janë:
 - a) taksa vjetore për qarkullimin e mjeteve të përdorura;
 - b) taksa e rentës minerare, sipas përcaktimeve të bëra në ligjin për taksat kombëtare;
 - c) tatimi mbi të ardhurat personale.
 - d) Taksa mbi kalimin të drejtes pronësisë për pasurite e paluajtshme

Tarifat vendore që do të trajtohen në këtë paketë janë:

Tarifa e Pastrimit për Familjet

Tarifa e Shërbimit Komunitar

Tarifa e Pastrimit për Biznesin

Tarifa për Ndotje Mjedisi/Përmirësim Mjedisi

Tarifa e Gjelbërimit për Biznesin

Tarifa e Ndriçimit për Biznesin

Tarifa për zënie e hapësirave publike

Tarifa e regjistrimit për veprimtari të ndryshme

Tarifa e Drejtoria e Shërbimeve

Tarifat për Shërbime Urbanistike

Tarifa të propozuara nga Drejtoria Arsimore e Bashkisë

Tarifa vjetore e mirëmbajtjes së infrastrukturës së ujitjes dhe të kullimit

Tarifa e shërbimit të ujitjes

Tarifa për linjat kablore ajrore dhe nëntokësore.

Tarifa për shërbimet nga administrate

Tarifa të tjera të vendosura me ligje të veçanta

Niveli i taksave dhe tarifave të propozuara në këtë Paketë Fiskale për vitin 2023 është i njëjtë me nivelin e taksave dhe tarifave të miratuara në Paketën Fiskale të vitit 2022 me VKB nr. 58 datë 26.11.2021.

Taksat Vendore

Taksa e Ndërtesës

1. Taksa e ndërtesës për ndërtesat me destinacion ekonomik për vitin 2023 propozojmë të rritet 30 % për Njësinë Administrative Patos dhe 10 % për dy njësitë e tjera.
2. Taksa e ndërtesës për ndërtesat me destinacion apartamente banimi për vitin 2023 propozojmë të rritet me 10% për Njësinë Administrative Patos, për Njësitë Administrative Zharëz dhe Ruzhdie të ruaj nivelin e përcaktuar në ligj.

Përjashtime

Përjashtohen nga taksa mbi ndërtesat:

- ❖ Pronat e shtetit dhe të Njërive të Qeverisjes Vendore, që përdoren për qëllime jofitimprurëse;
- ❖ Pasuritë në pronësi të shtetit, të kaluara me vendim të Këshillit të Ministrave, nën administrimin e shoqërive publike shtetërore;
- ❖ Ndërtesat e banimit, që shfrytëzohen nga qiramarrësi me qira të paliberalizuara;
- ❖ Banesat sociale në pronësi të Bashkive;
- ❖ Pasuritë e paluajtshme-ndërtesa, pronë e subjekteve juridike ose fizike, që në bazë të marrëveshjeve me Bashkitë përdoren nga këto të fundit si banesa sociale;
- ❖ Ndërtesat që përdoren nga komunitetet fetare, në funksion të veprimtarisë së tyre;
- ❖ Strukturat akomoduese "Hotel/Resort me katër dhe pesë yje, status special", sipas përcaktimit në legjislacionin e fushës së turizmit dhe që janë mbajtës të një marke tregtare të regjistruar dhe njohur ndërkombëtarisht "brand name";
- ❖ Ndërtesat e banimit të kryefamiljarëve që përfitojnë pension pleqërie ose pension social, që janë me banim në fshat ose qytet, kur familja përbëhet vetëm nga pensionistët ose dhe me persona në ngarkim të tyre që janë të paafitë për punë
- ❖ Ndërtesat e banimit të kryefamiljarëve që trajtohen me ndihmë ekonomike;
- ❖ Ndërtesat kulturore, nën mbrojtje të përkohshme ose të përhershme, për kohën në të cilën deklarohet mbrojtja, sipas legjislacionit në fuqi për monumentet e kulturës dhe/ose trashëgiminë kulturore, të cilat përdoren vetëm për qëllime jofitimprurëse.

Afatet e pagesës:

1. Detyrimi vjetor për kategorinë "ndërtesa" që përdoret, shfrytëzohet për banim do të shpërndahet në dy këste, kësti i parë Qershor 2023, kësti i dytë Dhjetor 2023.
2. Detyrimi vjetor për kategorinë ndërtesa që përdoret, shfrytëzohet për veprimtari ekonomike do të paguhet brenda datës 30.06.2023.

Tatimpaguesi, i cili nuk arrin që, brenda afatit të parashikuar, të paguajë shumën e detyrimit tatimor, detyrohet të paguajë një gjobë, të barabartë me 0,06 për qind të shumës së detyrimit të papaguar për çdo ditë, gjatë së cilës pagesa nuk është kryer. Në asnjë rast, gjoba nuk llogaritet për një periudhë më të gjatë se 365 ditë kalendarike.

Përjashtohen nga pagesa e gjobës për vonesë në pagesë të gjithë taksapaguesit familjarë.

Struktura përgjegjëse për arkëtimin e kësaj takse

- Për ndërtesa banimi për Njësinë Administrative Patos dhe rrethinat e saj është specialisti i taksave të familjeve.
- Për ndërtesa banimi për Njësinë Administrative Zharrëz dhe Ruzhdie janë vetë Njësitë Administrative.
- Për biznesin është përgjegjësi i biznesit pranë Drejtorisë të Ardhurave Vendore.

Taksa mbi Tokën Bujqësore

- ❖ Taksa mbi tokën bujqësore është detyrim vjetor dhe paguhet brenda vitit fiskal
- ❖ Baza e taksës mbi tokën bujqësore është sipërfaqja e tokës bujqësore, në hektar, në pronësi, në përdorim të taksapaguesit. Sipërfaqja e tokës në pronësi përcaktohet sipas dokumenteve që e vërtetojnë atë. Në rast të mungesës së dokumentacionit të pronësisë, përdoruesi i tokës bujqësore bën një vetëdeklarim të sipërfaqes së tokës bujqësore, pranë Bashkisë ku ndodhet toka. Pas vetëdeklarimit Drejtoria e të Ardhurave Vendore dhe Njësitë Administrative duhet të kryejnë verifikimin e sipërfaqes.
- ❖ Niveli i taksës caktohet në lekë për hektar. Detyrimi i taksës llogaritet si shumëzim i nivelit të taksës me bazën e tatueshme.

Afati i pagesës

Detyrimi për taksën mbi tokën bujqësore është vjetor. Për të gjitha kategoritë ky detyrim paguhet me një këst. Afati i pagesës është data 30 Dhjetor.

Përrjashtohen nga pagesa e gjobës për vonesë në pagesë të gjithë taksapaguesit familjarë.

Lehtësira dhe përjashtime:

1. Tokat bujqësore, që mbillen me kultura drufrutorë dhe vreshtari për pesë vitet e para nga çasti i mbjelljes.
2. Taksapaguesin, pasuria e të cilit është dëmtuar nga veprimi i forcave madhore. Në këtë rast, lehtësimi ose përjashtimi është i përkohshëm dhe kohëzgjatja përcaktohet nga këshilli bashkiak në raport me dëmin e shkaktuar deri në vlerën 75 për qind.
3. Personat, të cilët kanë të ardhura nën minimumin jetik, sipas kriterëve të përcaktuara në nivel kombëtar;
4. Për taksapaguesit të cilët do të paguajnë taksën e tokës bujqësore brenda muajt Gusht do të ulët taksa në masën 20 për qind.
5. Përrjashtohen nga taksa e tokës bujqësore, vetëm për normën individuale të tokës, individët:

- Invalidët e punës e të luftës, veteranët
- Të verbërit, të sëmurët, paraplegjikë dhe tetraplegjikë.

Për të përfituar nga përjashtimi, këto familje apo individ duhet të dorëzojnë në zyrën e taksave pranë Bashkisë ose të Njësisë Administrative dokumentat e mëposhtëm.

- Librezën përkatëse;

- Procesverbalin e mbajtur nga komisioni i verifikimit për mbjelljet e reja e miratuar nga Kryetare e Bashkisë.
- Vendimin e Këshillit Bashkiak.

Strukturat përgjegjëse për vjeljen e taksës mbi tokën bujqësore janë:

- Për tokën bujqësore, në Njësitë Administrative Zharrëz, Ruzhdië, janë vetë Njësitë Administrative.
- Për tokën bujqësore, për Njësinë Administrative Patos, specialisti i taksave të familjeve pranë Drejtorisë të Ardhurave Vendore.

Ngarkohet zyra e menaxhimit të tokës pranë Bashkisë Patos dhe Njësi Administrative Zharrëz dhe Ruzhdië për përcaktimin e sipërfaqes në pronësi sipas personave, duke pasqyruar dhe ndryshimet e bëra.

Klasifikimi sipas kategorive të tokës bujqësore bëhet nga Sektori i Menaxhimit të Tokës Bujqësore.

Taksa mbi Truallin

- ❖ Baza e taksës mbi truallin është sipërfaqja e truallit, në metër katror, në pronësi apo përdorim të taksapaguesit. Sipërfaqja e truallit në pronësi përcaktohet sipas dokumenteve që e vërtetojnë atë. Në rast të mungesës së dokumentacionit të pronësisë, përdoruesi i truallit bën një vetëdeklarim të sipërfaqes së truallit në përdorim, pranë Bashkisë apo Njësisë Administrative, ku ndodhet trualli.
- ❖ Niveli i taksës caktohet në lekë për metër katror. Detyrimi i taksës llogaritet si shumëzim i nivelit të taksës me bazën e tatueshme.

Nivelin i taksës së truallit për të dy kategoritë truall për banim dhe truall për biznes e propozojmë në të njëjtin nivel si në Paketën Fiskale të vitit 2022.

Afatet e pagesës

1. Detyrimi vjetor për kategorinë "truall" që përdoret, shfrytëzohet për qëllime banimi do të shpërndahet në dy këste, kësti i parë Qershor 2023, kësti i dytë Dhjetor 2023.
2. Detyrimi vjetor për kategorinë "truall" që përdoret, shfrytëzohet për veprimtari ekonomike do të paguhet brenda datës 30.06.2023.

Tatimpaguesi, i cili nuk arrin që, brenda afatit të parashikuar, të paguajë shumën e detyrimit tatimor, detyrohet të paguajë një gjobë, të barabartë me 0,06 për qind të shumës së detyrimit të papaguar për çdo ditë, gjatë së cilës pagesa nuk është kryer. Në asnjë rast, gjoba nuk llogaritet për një periudhë më të gjatë se 365 ditë kalendarike.

Përfashtohen nga pagesa e gjobës për vonesë në pagesë të gjithë taksapaguesit familjarë.

Struktura përgjegjëse për arkëtimin e kësaj takse

-Për kategorinë "truall" për banim për Njësinë Administrative Patos dhe rrethinat e saj është specialisti i taksave të familjeve.

-Për kategorinë "truall" për banim për Njësinë Administrative Zharrëz, Ruzhdie janë vetë Njësitë Administrative.

-Për biznesin është përgjegjësi i biznesit pranë Drejtorisë të Ardhurave Vendore.

Llojet e taksave vendore të tjera dhe niveli i tyre nuk ka ndryshuar. Është i njëjtë me atë të Paketës Fiskale të vitit 2022 të miratuar me VKB nr. 58 datë 26.11.2021.

Tarifat Vendore

Tarifa e Pastrimit për Biznesin

Detyrimi për Tarifën e Pastrimit për biznesin është vjetor.

Tarifa e shërbimit të pastrimit të paguhet sipas llojit të aktivitetit dhe xhiros vjetore.

Biznesi i Vogël:

- Për aktivitet tregtar, bizneset me xhiro deri në 5.000.000 lekë do të paguajnë 9.000 lekë, për njësitë administrative 30% më pakë. Me xhiro 5000.001-8.000.000 lekë do të paguajnë 10.000-35.000 lekë, njësitë administrative 30% më pakë.
- Për aktivitet shërbimi, bizneset me xhiro deri në 5.000.000 lekë do të paguajnë 9.000 -10.000 lekë, për njësitë administrative 30% më pakë. Me xhiro 5000.001-8.000.000 lekë do të paguajnë 10.000-30.000 lekë, njësitë administrative 30% më pakë.
- Për aktivitet Prodhimi, bizneset me xhiro deri në 5.000.000 lekë do të paguajnë 9.000 lekë, për njësitë administrative 30% më pakë. Me xhiro 5000.001-8.000.000 lekë do të paguajnë 15.000-35.000 lekë, njësitë administrative 30% më pakë.
- Për aktivitet profesione të lira, bizneset me xhiro deri në 5.000.000 lekë do të paguajnë 10.000 lekë, për njësitë administrative 30% më pakë. Me xhiro 5000.001- 8.000.000 lekë do të paguajnë 20.000 lekë, njësitë administrative 30% më pakë.

Biznesi i Madh:

- Për aktivitet tregtar, do të paguaj nga 20.000-50.000 lekë.
 - Për aktivitet shërbimi do të paguaj 20.000-150.000 lekë.
 - Për aktivitet Prodhimi do të paguaj 25.000-100.000 lekë.
 - Për aktivitet profesione të lira do të paguaj 35.000 lekë.
- Për aktivitet në fushën e hidrokarbureve tarifa e shërbimit të pastrimit propozohet nga 1500.000-3.000.000 lekë.

Afatet e pagesës

Tatimpaguesi, i cili nuk arrin që, brenda afatit të parashikuar 30.06.2023, të paguajë shumën e detyrimit tatimor, detyrohet të paguajë një gjobë, të barabartë me 0,06 për qind të shumës së detyrimit të papaguar për çdo ditë, gjatë së cilës pagesa nuk është kryer.

Në asnjë rast, gjoba nuk llogaritet për një periudhë më të gjatë se 365 ditë kalendarike

Për subjektet e regjistruara rishtaz detyrimi tatimor do të llogaritet nga muaji korrent i regjistrimit pranë QKB për të gjitha kategoritë e biznesit. Afati i pagesës brenda 30 ditëve nga rregjistrimi në QKB.

Nëse subjekti taksapagues pushon veprimtarinë gjatë vitit, detyrimi tatimor llogaritet duke shumëzuar tarifën për vitin e plotë kalendarik me numrin e muajve të plotë gjatë të cilëve veprimtaria është kryer (përfshirë muajin përkatës për të cilin është bërë kërkesa) dhe duke e pjesëtuar atë me 12 muajt e vitit kalendarik fiskal).

Përfitojnë lehtësira fiskale për tarifën e pastrimit kjo kategori:

1. Emigrantët të cilët do të hapin aktivitet ekonomik gjatë vitit 2023 niveli i tarifës do të jetë 0 lekë.
2. Bizneset e reja që do të hapen ku numri i të punësuarve do të jetë mbi 10 gjatë vitit 2023 niveli i tarifës do të jetë 0 lekë.
3. Për persona studentë të diplomuar në Universitetet Shterore vendase të diplomuar gjatë vitit 2023 niveli i tarifës do të jetë 0 lekë.
4. Fermerët e paisur me NIPT si persona fizik janë të përjashtuar nga pagesa e tarifës.

Strukturat përgjegjëse për vjeljet e tarifës pastrimit janë:

Përgjegjësi i biznesit pranë Drejtorisë së të Ardhurave Vendore, inspektorët e taksave pranë Njësisë Administrative.

E ardhura nga Tarifa e pastrimit i takon 100% Bashkisë.

Tarifa e Pastrimit për Familjet

- a. Tarifat paguhet nga "çdo familje rezidente efektive" në Bashkinë Patos. Për këtë do të marrim në konsideratë kontratat me OSHE.
- b. Detyrimi i tarifës është vjetor dhe paguhet për vitin kalendarik .
- c. Për çdo familje të re të regjistruar gjatë vitit detyrimi llogaritet nga muaji korrent i regjistrimit.
- d. Për familjet jo efektive të cilat pas verifikimeve të përsëritura për njësinë administrative Patos dhe nga njësitë e tjera administrative nuk banojnë në adresën e deklaruar janë të përjashtuara nga Tarifa e Pastrimit.
- e. Familjet pajisen me librez taksash .

Tabela nr.5

Kategoritë	Niveli i tarifës së Pastrimit për Familjet. Miratohet
Njësia Administrative Patos: 1 Familje e përbërë me 1 deri 2 persona sipas çertifikatës familjare. 2 Familje e përbërë me 3 dhe më shumë persona sipas çertifikatës familjare.	2,900 lekë/vitë 4,100 lekë/vitë
Njësia Administrative Zharëz: 1 Familje e përbërë me 1 deri 2 persona sipas çertifikatës familjare. 2 Familje e përbërë me 3 dhe më shumë persona sipas çertifikatës familjare.	2,900 lekë/vitë 4,100 lekë/vitë
Njësia Administrative Ruzhdië: Fshati Ruzhdië Fshati Gjinoqarë Fshati Siqecë Fshatrat Drenie dhe Kasnicë	700 lekë/vitë 700 lekë/vitë 700 lekë/vitë 0 lekë /vitë

Mënyra e pagesës

Detyrimi për Tarifën e Pastrimit për Familjet është vjetor.

Afati i pagesës është deri në datë 30 Dhjetor të vitit kalendarik.

Përfitojnë lehtësira fiskale për Tarifën e Pastrimit për Familjet si më poshtë:

- Familjet e veteranëve niveli i tarifës do të jetë 0 lekë (theksojmë nuk përfitojnë pasardhës veteranësh)
- Familjet kur kryefamiljari është invalid niveli i tarifës do të jetë 0 lekë .
- Familjet e të përndjekurve politik niveli i tarifës do të jetë 0 lekë.
- Familjet që janë në skemën e ndihmës ekonomike niveli i tarifës do të jetë 0 lekë.
- Familjet ku janë vetëm pensionistë sipas çertifikatës familjare niveli i tarifës do të jetë 0 lekë.

Për të përfitur nga lehtësirat fiskale:

Këto grupe duhet të dorëzojnë pranë inspektorit të taksave-tarifave vendore këto dokumenta.

- Librezën e veteranit ose invalidit të luftës,(fotokopje)
- Statusin e invalidit të punës, (fotokopje)
- Statusin e të verbrit, të sëmurëve paraplegjikë e tetraplegjikë, (fotokopje)
- Stausin e të përndjekurve politik. (fotokopje)
- Vërtetimin nga Drejtoria e Ndhmës Ekonomike pranë Bashkisë ose të Njësisë Administrative si përfituesit të ndihmës ekonomike.
- Librez e pensionit. (fotokopje)
- Çertifikatën familjare.

Strukturat përgjegjëse për vjeljet e Tarifës së Pastrimit për Familjet janë:

- Për njësinë Administrative Patos është specialisti i Taksave komunitare.
- Për njësinë Administrative Zharrëz është specialisti i Taksave pranë kësaj njësie
- Për njësinë Administrative Ruzhdie është specialisti i Taksave pranë kësaj njësie

Përfshihen nga pagesa e gjobës për vonesë në pagesë të gjithë taksapaguesit familjarë.

5.1 Tarifa për Shërbimin Komunitar

- f. Tarifat paguhet nga “çdo familje rezidente efektive” në Bashkinë Patos. Për këtë do të marrim në konsideratë kontratat me OSHE.
- g. Detyrimi i tarifës është vjetor dhe paguhet për vitin kalendarik .
- h. Për çdo familje të re të regjistruar gjatë vitit detyrimi llogaritet nga muaji korent i regjistrimit.
- i. Për familjet jo efektive të cilat pas verifikimeve të përsëritura për njësinë administrative Patos dhe nga njësitë e tjera administrative nuk banojnë në adresën e deklaruar janë të përjashtuara nga Tarifa e Shërbimit.
- j. Familjet pajisen me librez taksash .

Tabela nr.5.1

Kategoritë	Niveli i tarifës së Shërbimit Komunitar. Miratohet
Njësia Administrative Patos	700 lekë/vitë
Njësia Administrative Zharëz	700 lekë/vitë
Njësia Administrative Ruzhdië:	
Fshati Ruzhdië	300 lekë/vitë
Fshati Gjinoqarë	300 lekë/vitë
Fshati Siqecë	300 lekë/vitë
Fshati Drenie dhe Kasnicë	0 lekë/vitë

Mënyra e pagesës

Detyrimi për Tarifën e Shërbimit për komunitetin është vjetor.

Afati i pagesës është deri në datë 30 Dhjetor të vitit kalendarik.

Përfitojnë lehtësira fiskale për Tarifën e Shërbimit familjar si më poshtë:

- Familjet e veteranëve niveli i tarifës do të jetë 0 lekë (theksojmë nuk përfitojnë pasardhës veteranësh)
- Familjet kur kryefamiljari është invalid niveli i tarifës do të jetë 0 lekë .
- Familjet e të përndjekurve politik niveli i tarifës do të jetë 0 lekë.
- Familjet që janë në skemën e ndihmës ekonomike niveli i tarifës do të jetë 0 lekë.
- Familjet ku janë vetëm pensionistë sipas çertifikatës familjare niveli i tarifës do të jetë 0 lekë.

Për të përfitur nga lehtësirat fiskale:

Këto grupe duhet të dorëzojnë pranë inspektorit të taksave-tarifave vendore këto dokumenta.

- Librezën e veteranit ose invalidit të luftës.(fotokopje)
- Statusin e invalidit të punës, (fotokopje)
- Statusin e të verbrit, të sëmurëve paraplegjikë e tetraplegjikë, (fotokopje)
- Statusin e të përndjekurve politik. (fotokopje)

- Vërtetimin nga Drejtoria e Ndhmës Ekonomike pranë Bashkisë ose të Njesisë Administrative si përfituesit të ndihmës ekonomike.
- Librez e pensionit. (fotokopje)
- Çertifikatën familjare.

Strukturat përgjegjëse për vjeljet e Tarifave të Shërbimit komunitar janë:

- Për njësinë Administrative Patos është specialisti i Taksave komunitare.
- Për njësinë Administrative Zharrëz është specialisti i Taksave pranë kësaj njësie
- Për njësinë Administrative Ruzhdie është specialisti i Taksave pranë kësaj njësie

Përjashtohen nga pagesa e gjobës për vonesë në pagesë të gjithë taksapaguesit familjarë.

Llojet e tarifave vendore të tjera dhe niveli i tyre nuk ka ndryshuar. Është i njëjtë me atë të Paketës Fiskale të vitit 2022 të miratuar me VKB nr. 58 datë 26.11.2021.



Drejtori të Ardhurave Vendore
Astrit Murati